

瞻依徒切下情不勝攀戀之至謹稽首奉送

回輦頌

出壇

靈寶領教濟度金書卷之二百十七

靈寶領教濟度金書卷之二百十八 壹六

洞撰高士開光般若真人靈寶真經

靈寶通玄弘教水南先生林靈真編

科儀立成品 玄黃經儀 道場用

宿啓儀

啓堂頌

各禮師存念如法

宣衛靈呪

東方

九炁青天明星大神 煥照東鄉 洞映九門
轉燭陽光 掃穢除氛 開明童子 號曰玄卿
備衛我軒 上對帝君 收魔束妖 討捕兇羣
奉承正道 赤書玉文 九天符命 攝龍驛傳
普天安鎮 我得飛仙

南方

三炁丹天 煥景浮光 熒星轉燭 洞照太陽
上有赤精 合契虛皇 開明童子 號曰華房
總統火兵 備守玉堂 斬邪束妖 剪截魔王
北帝所承 風火莫當 流鈴交煥 翊衛壇場
正道流行 敢有已狂 我享上功 坐運魁罡

億劫長存 保天無疆

西方

七炁素天 太白流精 光耀金門 洞照太冥
中有素皇 號曰帝靈 保神安鎮 衛我身形
斷絕邪源 王道正明 宮殿整肅 三景齊并
道合自然 飛昇紫庭 靈寶符命 普惠萬生
元皇正炁 來合我身 功加一切 天地咸寧

北方

五炁玄天 元始徘徊 辰星煥爛 光耀太微
黑靈尊神 號曰層威 統冠飛天 仙裙羽衣
備衛五門 檢精捕非 敢有干試 豁落斬摧
玉符所告 神鎮八威 邪門閉塞 正道明開
映照我身 三光同輝 策空駕浮 舉形仙飛

中央

一炁黃天 調理乾坤 陶鎔陰陽 總統玄真
鎮星吐輝 流煥九天 開明童子 號曰天璘
元炁陽精 焰上朱煙 洞照天下 及臣等身
百邪摧落 殺鬼萬千 中山神呪 普天使然
五靈安鎮 身飛上仙

滿法鼓二十四通

無上三天九皇玉帝當召九皇靈官飛龍騎
更綉衣使者三炁正神急上闕啓玄壇土地
方域神真臣今宿啓陞壇行道謹奉為入意
其諸丹福已錄奏聞願得

元皇正炁來合臣身今臣所啓速達徑御

至真無極大道

中天二六尊帝

九皇玉宸道君御前

請稱法位

具位奉行玄靈妙齋法事小兆臣某與臨壇
官眾等今故燒香願以是功德上為天子王
侯土地官長七世父母九族姍親臣等三師
四友係代學真天下兆庶以至靈爽戎狄鱗
甲羽毛一切眾生無邊無量皈身皈神皈命
斗中大道九晨上真乞垂原赦積生今世宿
罪重過得免罹三災四煞五行六害七傷八
難九星天羅地網二十四厄之中智慧性圓
道心開發出羣迷徑入希夷門永脫輪迴超
昇成道遙雲際昇入金門與聖合真永不
輪轉所啓玄感上御

至真無極道前

禮九晨九位同只

至心皈命中天大聖北斗貪狼陽明星君

坐懺

臣法眾等至心皈身皈神皈命

斗中大道九晨上真以今宿啓陞壇朝真禮

懺臣聞混元設教開龍漢之玄圖正一垂科

啓鶴鳴之聖運道涵無外仁泱有生雖酌水

以獻花可延生而注福猶慮臣等六情浩蕩

萬業紛紜紫極對揚莫混精炁神之妙化丹

忱激切未蠲身口意之塵緣尚冀涵容勉思

精進沛玄恩於壽域善及存亡符化日於福

鄉功沾水陸臣等至心稽首禮謝

无上至真三寶

三啓頌

樂法以為妻 愛經如珠玉 持戒制六情

念道遣所欲 澹泊正氣停 蕭然神靜默

天魔並敬護 又 世世受大福

又

贊壽家國盛 濟濟經道興 天人同其願

縹緲入大乘 因心立福田 靡靡法輪昇

七祖生天堂 我身白日騰

又

大道洞玄虛 有念無不契 鍊質入仙真

遂成金剛體 超度三界難 地獄五苦解

悉歸太上經 靜念稽首禮

三禮

臣等志心稽首禮

太上無極大道

臣等志心稽首禮

三十六部尊經

臣等志心稽首禮

玄中大法師

重稱法位

具位奉行玄靈妙齋法事小兆臣某與臨壇

官眾等謹重誠上啓

太上無極大道中天大聖北斗高上玉皇尊

帝北斗太微玉帝北斗玄卿大帝北斗陽明

太尉府玉皇九晨君北斗上宰府巨門星君

北斗司空府祿存真人星君北斗遊擊府文

曲玄冥星君北斗君府廉貞丹元星君北
 斗太常府武曲北極星君北斗上帝府破軍
 天關星君北斗玉帝府外輔星君北斗真人
 府內弼星君二帝聖后元君九皇夫人九陰
 內妃天罡萬真節度奎光帝君三台華蓋星
 君斗中玄曹道德官君北極四聖真君三天
 元素真君中天元惠真君豁落璇璣諸大將
 軍天罡萬丈大神王解厄掌式諸靈官擎羊
 陀羅二仙使者左右綉衣使者通事舍人斗
 中九省九府丞相真人金童玉女仙吏斗中
 千乘萬騎仙官真吏本靖經錄法部諸省府
 院司將吏兵馬本派祖玄真師列位真人經
 籍度師列位真人城隍社令本家土地司命
 六神四直玉文功曹三界真符使者監醮香
 官直壇土地防禦神祇應感一切真靈且等
 萬劫流形三靈孕悉真經燁燁獲佩奉於金
 科妙法輝煌誓宣揚於玉訣庶陶化治普濟
 含生今有青詞謹當宣奏

宣詞

按如詞言情深修奉是敢皈依玄靈秘訣河

園內文建立壇場清淨堂宇靈風九奏天花
 飄玉籟之音寶炬千枝梵唱振金瓊之韻傾
 心闡闡命璇璣恩惟斗極真尊中天大聖
 垂慈監映省覽所陳勒勒十戒仙官南陵使
 者天丁神吏靈官功曹護法大神直符真事
 金光甲卒威烈將軍各按威儀衛護壇所神
 祇主執土地真靈協力同心辟非斥試紛葩
 掃蕩道系常存外伏魔精內安正性令臣存
 思定應啓奏感通功德周圓無有窒碍明晨
 行道續更啓聞

發願

- 一願乾坤明素
- 二願氣象清玄
- 三願聖人萬壽
- 四願化洽八埏
- 五願天垂甘露
- 六願地發祥煙
- 七願四時應候
- 八願萬物生全
- 九願家多孝悌
- 十願國富才賢
- 十一願齋功廣被
- 十二願善瑞日臻

存神燒香

香官使者左右龍虎君侍香諸靈官當令臣
 宿啓建壇行道之所自然生金液丹碧芝英

百靈眾真交會在此香火爐前令臣學道得
 道求仙得仙齋官蒙福幽顯靈恩十方仙童
 玉女接侍蘭煙傳臣向來所啓之誠速達徑
 御

至真元極大道

中天二大尊帝

九皇玉宸道君

出堂頌

引至幕

謝師

靈寶領教濟度金書卷之二百十八